

**Contact Numbers pawimaw :**  
 DC/CCPur : 03874-234234  
 SP/CCPur : 03874-236747  
 Police Station : 03874-202248  
 SP Control Room: 03874-233239  
 Dist. Hospital Casualty : 03874-233370  
 Fire Brigade : 8974 147 799/  
 8258 057 887 / 8974 103 600  
 SP Hotline Number 7085-256-377



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

Hmasawanna Thar Vol - 32/210

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

## District Police han Refresher Course an zofel



**CCPUR:** Mr Rakesh Balwal, IPS, SP, CCPur hmalakna hnuoia District Police personnel han Refresher Course an nei chu zanikhan zofel a nitah.

Refresher course sung hin Tuibuong peace ground-ah Riot Gear hmang dan training an nei a, May 16, 2017 khan Satpal Chaudhary Short Range, STC/BFS Camp-ah silai kap training an sunzawm nawk a, Civil Police (Male), Women Police le Village Defence Force (VDF) personnel han Annual Classification Range Firing 2016-17 an nei nawk a nih.

Firing sung hin District Police personnel han an hmang dinga hmangruo chi tum tum an dawng hai hmang dan, SLR, INSAS, AK-47, MP-5 Rifle, 9mm Pistol le point 303 Rifle silai hai an kap a, category tum tum Police Constable, ASI, SI le Inspector haia inthein an silai chawi izirin silai kap inelna an nei.

Zanikha Refresher course tapwani a ni le inzaumin Mr R. Sudhan, IAS, DC, CCPur bakah DC Office thawktu iemanizat khawmin an hang uop a, AK-47 Rifle le 9mm Pistol hai an hang kap ve.

Category tina silai kap inelna result puong nghal a ni a. Pistol kap inelnaa

## Anti-Terrorism Day an hmangpui

**CCPUR:** Suangdoh khuoia um C-Coy, 26-Assam Rifles chun zani 10AM khan Suangdoh Govt. High School-ah student le staff hai Anti-Terrorism Day an hmangpui. Anti-Terrorism Day hi India PM hlui Rajiv Gandhi helpawl hai kuta a thina hrietzonga dinga hmang hlak a ni a.

Hi huna thang student hai helna lakta invenghim dan ding le silai tawk dan

SI Category-ah P. Veven Gangte, SI in pakhatna a lak a, AK-ah Anil, Inspector in pahina le H. Lalbiakman, SI in pathumna a lak. ASI Category-ah Thangggoulian, ASI in pakhatna a lak a, L. Thangboi, ASI le K. Paumuansang, ASI han pahina le pathumna an lak. AK-47 kap inelnaa chun Head Constable category-ah Ginzalal Khongsey in pakhatna a lak a, V. Chinbiaklal le Siemkhohao Misao han pahina le pathumna an lak. Constable category a chun Thangminlen Haokip, T. Lunghomang le Songlianmang han pakhatna, pahina le pathumna an lak tawl.

Silai kap inelnaa pakhatna, pahina le pathumna la tuhai kuomah hin lawmanin Rs. 500/-, Rs. 300/- le Rs. 200/- seng pek an ni bakah Police service record book-ah an hmang zieklut a nih.

VDF han point 303 Rifle kap inelna an neia chun Zamkhanmang le Kh. Pradeep han pakhatna an lak a, Manglung Khongsai le Chinlianlal han pahina an lak a, Md. Amar Khan, Lungkholen, Kamlensang Gangte le Zamkholian han pathumna an lak a, lawmanin Rs. 500/-, Rs. 300/- le Rs. 200 seng pek le service record book-ah an hmang zieklut ning a tih.

hai inchuktir an ni bakah refreshment an sem. Assam Rifles chun students le staff hai hi motor 2 hmaning Lungthul (T) a Guite Road siemtu Bhartia Infracons Ltd. hai sinthawna hmun le a se vel hai an fangpui bawk.

Hiengang hun an hmangpui tuah Suangdoh Govt. H/S chun Assam Rifles chungah lawmthu an hrii.

## Manipur CM-in Delhi ah Football Balloon a hawng Chief Minister's Football Club tukum sung indin tum a nih: CM

**NEW DELHI:** Manipur Chief Minister Mr Nongthombam Biren Singh chun, India rama vawikhatna ding FIFA U-17 World Cup India 2017, hung tung ding October 6-28 sung India ram khawpui hran hrana neina ding le inzawma Ministry of Youth Affairs and Sports, Government of India buotsai Football Balloon tanna hunser chu Zirtawpni khan New Delhi ah khul liena thangin a va hawng.

Hi Football Balloon hawngna hunsera hin Union Minister of State for Sports, Independent Charge, Cricketer hlui nih bawk Md Kaif le Indian Boxer Mr Vijendra Singh le milien dang dang khawm an thang a. Chief Minister chun, Manipur-in Football tienga a thaw thagna hrietpuina ni



fawma hi hun pawimawtak hawng dinga fiela a um leiin lawmthu a hrii a. Iengtik ni am a nih chu Manipur khawm FIFA program hmangna hmun (venue) a la nih ngei a beisei thu a hrii

bawk. A thuhrlinaa chun, Chief Minister chun, India ramin football tieng hmasawanna ding tamtak a neihai phawrsuok pei a pawimaw zie a hrii a. India

rama hin football thiemna le hausakna (potential) tamtak an phumruk niin a hrii. Taksa hriselna ding le thagna ding khawmin football hi a tha em em ti thu a hrii a.

“Tulai khawvel changkang peia fak le dawn thil-hai khawm changkang pei le inruola ‘fast food’ le life-style thanaw han hriselna le inchukna tieng chen a t ha naw zawnga kakhawk an hung nei pei laiin, India naupanghai hriselna siemt hatna dingin football uor hi a tha a nih. Taksa hriselna ding le fitness dinga tha em em man tlawm si chu football hi a nih” tiin a hrii.

Chief Minister chun, Pandit Deendayal Upadhyaya hmang chawin tu kum a inthawkin Manipur ah Chief Minister's Football Club indin dinga relfel a nih tah ti thu a hrii a. Hi thu le inzawm hin Manipur-a MLA le MP hai chu mani biel (constituent) sengah football hi nasataka hriilmawia sukchangkang tum dinga hma la tawl sang dingin a ngem

tawl bawk a nih. A hmaa la um ngai lo, Mascot tlangzarna ang deuh Football Balloon hunser buotsaitu Mr Vijay Goel, Union Minister of State (IC) for Sports chun, Mr N. Biren Singh, Manipur Chief Minister-in hi hun pawimaw tak a hung hawngpek thei leiin a kuomah lawmthu a hrii ve.

Tuta FIFA Under-17 World Cup 2017 a ding hin a tirin Manipur-in a lo hung hrii naw leiin tuta t um chu a hmun (venue) laiah Imphal an thangtir tah naw a na. Hmatiang peia chu Imphal khawm a thang ngei ngei theina dingin thei tawp a hung suok ding thu a hriipek, tiin Mr Vineet Joshi, Principal Secretary to the Chief Minister chun New Delhi Camp a inthawkin thusuok siemin a hrii.

## Thla khat sunga Tripartite Talk nei nawk an remtih

**IMPHAL:** United Naga Council (UNC), Union Ministry of Home Affairs, New Delhi le Manipur State sawrkar palaihai chun zanikhan Senapati-ah tripartite Talks an sunzawm nawk a, inremna points 4 an siem. An inremna points 4 hai chu, March 19, 2017 a an inbiel huna an inremna siem point khatna suknghet; Political level-a inbielnaah Manipur sawrkar thang raw seh; District thar chungthu chingfel a ni hmakhat chu March 19,



2017 a inremna chu UNC le Manipur sawrkar han chel nghet tlat rawhai seh ti le tripartite talk chu tuta inthawk thla khat sungin nei nawk ni

raw seh tihai a nih. Zanita inremna an zieka hin Gaidon Kamei, President, UNC; S.Milan, General Secretary, UNC; Seth Shat-

sang, President, ANSAM; Asha Wungnam, President NWU; O.Nabakishore, Chief Secretary, Govt of Manipur; Dr J.Suresh Babu, Additional Chief Secretary(Home), Govt of Manipur le K.Radhakumar Singh, Commissioner(Works), Govt of Manipur han suoi an thaw tawl. Hi inbielna hin Satyendra Garg, Joint Secretary(NE), Ministry of Home Affairs, New Delhi chu sawrkar thlungpui palaiin a thang.

## Agriculture Minister in a va enfel

**IMPHAL:** V. Hangkhanlian, Minister, Agriculture, Veterinary & Animal Husbandary chu zanikhan Thoubal, Imphal East le Imphal West District Agriculture Office, Lamphelpat hai enfelna a nei.

Wangbal, District agriculture Office, Thoubal, Imphal East District a District Agriculture Office, Porompat le Imphal West District Agriculture Office, Lamphelpat hai enfelna a nei.

## Ramria insumdawngtuona khar

**IMPHAL:** Hill Tribal Council(HTC), Kuki Student's Organisation le Kuki Women Union and Human Rights, Moreh han zanikhan Moreh le a se velah darkar 24 bandh an thaw leiin ramria insumdawngtuona khar

a nih. Myanmar mihai Moreh-ah an hung bazaar naw ang bawkin Manipur mihai khawm Namphalong Bazar ah an va bazaar ve nawh. Buoina suok le thil ditum lo tung a um thu ruok chu hriet a ni nawh.

## Imphal-Moreh Road-a bomb puok leiin Commando 4 hliem; CM in a dem

**IMPHAL:** May 19, 2017 sun dar 12:45 vel khan Moreh a inthawka km. 10 vela hla Imphal -Moreh Road-a Khudengthabi check post bul, Kwatha Khunou Lamkhai, Chandel District-ah Improvised Explosive Device (IED) bomb puok leiin Police Commandos 4 in hliemna an tuok.

Territorial Army (TA) personnel 2 in thina an lo tuok ta bawk a nih.

Manipur CM N. Biren Singh chun bomb sukpuoka um hi a dem hle thu a puong a. Hi thil tung vangduoi thlak taka police personnel hliemhai thu a tuorpui thu a hrii. Hieng anga in lambunna reng reng chu mi dawizep (coward) hai thil thaw a nih a, khawtlang, ram le hnam, mi po povin thiemnaw inchangtira dem vawng ding a nih tiin a hrii.

Mr Biren Singh chun, hliem tuokhai an tha suok vat theina dingin a lungril takin a tawngtaipui zing thu le an sungai a tuorpui takzet thu a hrii bawk a. Sawrkar a nina angin, hieng anga rikrapa chetna hi helna chi khat dan kal, suol a nih a. Thil suol thawtuahai chu tukhawm ni hai sienla, an phutawk hremna pek an nih ding thu a hrii bawk a.

## Manipur CM in DoNER Minister an hmupui



**NEW DELHI:** Delhi-a cham mek Manipur Chief Minister N. Biren Singh chun zanikhan New Delhi hmunah The Union Minister of State (Independent Charge) for Development of North Eastern Region (DoNER), MoS PMO, Personnel, Public Grievances, Pensions, Atomic Energy and Space, Dr Jitendra Singh an hmupui. Hi huna hin thla 5 deuthaw UNC in Manipur Economic Blockade an thaw a hlip theina thuan N. Biren Singh chu a lawmpui thu a hrii.

naa interview thaw hlak suktawp dinga Manipur sawrkarin thutlukna a siemna thuan lawmum a ti thu hriin State dang dang hai khawma interview suktawp dinga hma an hung lak pei a beisei thu Dr Jitendra Singh chun a hrii a, NE a Helicopter hmanga air clinic ensinna dinga thaw tan tum chungthuah Aviation le Health ministry haile an irawntuo mek thu hriin, hi idea hi Manipur state-a inthawk intan a ni angin a hmasatakah Manipur-a thaw tan a ni ding thu Dr Jitendra Singh chun a hrii.

## Shirui Festival closing function

**IMPHAL:** May 16, 2017 a inthawka tan Ukhrul District-a Shirui Festival, 2017 hmanga um chu vawisun hin Tangkhal Nagalong Ground (TNL), Ukhrul hmunah closing function

hmang ning a tih. Shirui Festival closing function hi zantieng 2:00PM in hmang ning a ta, khuollienin Manipur Governor Dr Najma Heptullah thang a tih.

## Dy CIDS (Ops) HQ IDS dingin Air Marshal PN Pradhan

**IMPHAL:** Air Marshal PN Pradhan, AVSM chun Nilaini a inthawk khan Dy Chief of Integrated Defence Staff (Operations) HQ IDS nina a chel tah, tiin PIB DW thusuok chun a hrii. PN Pradhan hi Indian Air Force ah 1981 khan Transport stream ah pilot anga commissioned a lo nih tah a. Transport squadron-a



a um sung hin operational role po po, abikin forward area >>>sunzawmna page-4

## LFS in inpawlpuina an nei



**CCPUR:** Lalpuitluai Foundation School (LFS), Bungmual chun zani 10AM khan an school hmunah tlangmi laia football petthiem inlar Siam Hanghal le Doctor Specialist zo thar Thangli-

an kham @ Khamboi hai inpawlpuina an nei. Siam Hanghal le Thanglian kham hai hi LFS a lekha lo inchuk hlak an nih. Siam Hanghal chun, football an lar leia baw sup sup hlak hai

ei ni a, lekhatiem lo le saptawng thiemnaw chun ruol hai le inbielna kawngah hasratna a um hlak leiin football khel ding khawmin lekha inchukna hi inthlada ding a ninaw thu, ei ram ei suoksan huna ei lekha inchukna kha a hung pawimaw ta hlak tiin a hrii.

Thanglian kham hi Russia rama Doctor specialist zo thar hlim a ni a, hlawlingna dingin taimakna le tumruna a pawimaw tak tiin a hrii.

## SAS in Gas Safety Clinic-Awareness

**CCPUR:** Sialgenthang and Sons (SAS) Gas Agency, CCPur chun zani zantieng 2:20PM khan Gas hmang dan ding chungthuah Gas Safety Clinic & PMUY Awareness program an buotsai a, hi huna hin Customer hai an thang tawl. Awareness hunah H. Pauchinlian @ PC Mechanic chun Gas hmang dan ding practical in hriihrietna a nei a, hi zo hin customer han gas hmang dan chungthuah hrietthiemlo an nei

hai indawna hun hawng a ni bawk. Hi huna thang customer hai laia mi 6 hai gas hmang dan chungthuah test an inneitir a, anni laia mi 4 han inchuktir an ni ang taka an thaw indik leiin Gas apron pakhat seng lawmanin pek an nih. Gas hmang dan tha awareness hi Indian Oil Company (IOC) thupek dungzuia nei a nih.

tung zing ding, gas tuber tube tha taka enfel hlak ding, kum khatah vawihni bek thleng ding, Suraksah rubber hose hmang ngei ding, Gas hmanglo hunah regulator off ngei ding, gas hmang sung puontiek, nylon le synthetic hrim hrim gas bul hnaia hmang lo ding, gas hmang lai tlanan lo ding, gas thu rim a se chun light le electric hai off vawng ding ti hai awareness huna hin customer hai hriihriet an nih.

## CHANCHIN LAKTAWI

### CCI in Staff outing in Shirui Festival-ah

**CCPUR:** Centre for Community Initiative (CCI) chun kum tina Staff Outing an nei hlak angin May 19, 2017 khan Shirui Festival va uop dingin Ukhrul an pan. Ukhrul a inthawk Km. 16 a hla camp site a riek an ta, vawisun hin Shirui Hills a tracking in feng an tih.

### Aadhar-Bank Account linking

**CCPUR:** Sawrkar thlungpuiin Aadhar Card le Bank account hai thungzawm vawng dinga inhrietima a siem angina CCPur district mipui hai khawmin tulai hin Aadhar le an Bank Account hai thungzawmna sin an thaw. Hi thila ding hin Aadhar Card Xerox copy -ah Bank Account number chieng taka zieka peklut el ding a ni a, thungzawm a ni hunah Bank han mobile phone an peklut fethlengin message an hung thawn ding a nih.

## GST consumer-friendly a ni ding, Healthcare le education hai Tax lak ni naw nih: Jaitley

**NEW DELHI:** July 1, 2017 a inthawka India rama hmang tan tum Goods and Services Tax (GST) chu consumer-friendly ning a ta, healthcare le education haia chun tax lak (exempted) la ninaw zawm pei a ta, transport services haiah tax 5percent lak ning a tih tiin Union Finance Minister Arun Jaitley chun a hrii.



Hi thu hi ni 2 sung aw Srinagar hmuna GST Council meeting zanita neizo hnunga reporters hai an hmupui huna a hrii a nih. Rangkachak (gold) a tax ding chu sukfel a la

tax lak la ninaw zawm pei a ta, metro le local train hai bakah bawngene hai khawm tax laklo ding hai lai a thang tiin Jaitley chun a hrii.

Restaurants-a Five star hotels le rooms zankhat um man Rs. 5000 le a chungthuah hai chu tax 28% lak ni el theia hrii a ni laiin hotel room zankhata hmang man Rs. 500 or 1000 haia chun tax lak ninaw ni a, GST hnuoia hin tax sukpong or suktlawm a um naw thu Jaitley chun a hrii bawk. (PTI/TNN)



VAWISUN THUPUI

“Phuba hrimhrim keia lak ding a nih, keiin thung ka thi,” ti le “Lalpa chun a mihai ngaituong a tih,” titu chu ei hriet si a. Pathien hring kuta tluk chu thil rapthlaktak a nih.

- Hebrai 10:30-31

Editorial

Government School le College tha

leng sin khawm thawin iengang fakzawngna khawm hraw inla, khawvel mihriem han ei ngainep thei lo le ei ngaipawimaw seng chu lekha inchukna hi a nih. Hi lei hin lekha inchukna hi mitinin ei ngaipawimaw seng ta a nih. Nu le Pa thenkhat lem chun ei sum le pai nei bak, a nei hai ta a pung um hiel khawma lain ei nauhai lekha ei inchuktur ngam a nih. Tulai khawvela ding chun lekha hrie lo le lekhatiem lo hai ta ding chun beisei ding tha hi a tam naw khawp el. Lekhatiem ni hi a tha in a hlu bek bek lein a rethei le a hawsa, mi ropui, milien le milal, mi naran le mi hnuoihngung hai khawmin lekhatiem ni ngei tumin mani tawk sengah thang ei lak tawl ta a nih.

Tulaia Manipur mipui han ei nghakhla le tung em em el khawm Board of Secondary Education, Manipur hnuoia HSLC (Class-X) Examination, 2017 le Council of Higher Secondary Education, Manipur hnuoia Higher Secondary (Class- XII) Examination, 2017 result suok ding hai a nih. State danga Class-X & XII Exam result hai insuo a ni tawl ta a. Amiruokchu, Manipur a chun 11th Manipur Legislative Assembly Election lein exam hun an hnu deu lein result a la suok hri naw a. Iengkhawm nisienla tuta thla tawp tieng hin chu Manipur a Class- X & XII Examination, 2017 result chu a suok hman beisei a um.

Class-X le Class-XII exam result hung suok a ta, thenkhat Class-XI admission chungchang harsatna hung tuok ei ta, thenkhat inchukna insang lem (College) sunzawmna kawngah harsatna ei hung tuok nawk ding a nih. Iengkhawm nisienla a buoi, a harsa le a beidawng dinghai chu Nu le Pa hai an nih. Nu le Pa thenkhat hai ta dingin harsatna ding, buoina ding le beidawngna ding um naw sienkhawm, Nu le Pa tam lem hai ta ding chun, harsatna, buoina le beidawngna a hung intlun ding a nih. Class-XI admission le College kaina ding thuh ah ei invir buoi nawk sup sup ding a nih. Thenkhat ta ding chun beidawngna thla a hung ni ding a nih.

Ei hriet seng angin Class-X le Class-XII result hung suok a ta, Sawrkar School nekin Private School hai result a hung tha lem nawk ngei ring a um. Ei ramah Government College le Government Higher Secondary School a awm tawk chu ei nei ta ngei. Amiruokchu, Government College le Government Higher Secondary School hai nekin Private College le Private Higher Secondary School hai chu a tha lem lein, sum seng tam hle sienkhawm ei baw tawl nawk sup sup ding a nih. Hi tak hi Nu le Pa hai suk harsatu le sukluhai hlaktu a nih. Ei ram hin Government College tha le Government Higher Secondary School tha hi a mamaw ngawi ngawi el a nih. Hi kawngah hin ei State Sawrkar hin thang nasa nawk zuolin hma hung la sien nuom a um hle.

“Sawrkar School / College a tam po leh School / College tha lo a tam” ti zawnga hril ding chu ni naw sienkhawm, Sawrkar School / College hi, thawktu hlaw khawm an sang lem a, infrastructure khawm an nei tha lem a, facility khawm an nei changlung lem. Hi taka inthawka inkhi chun exam result-ah khawm an sang lem khawm nisien, a awm hrim an nawm ti thei ning a tih. Nisienlakhawm, Private School / College in Sawrkar School / College a el lem dinga ngai a ni laiin Sawrkar School / College han Private School / College an el a ngai ta lem a, hi hi a muolpoho thlak hle a nih.

Hieng hi ei rama Sawrkar School le College hai ngirhmun a ni a. Sawrkar a thang nasa zuol a tul. Mipui inngatna tlaka Sawrkar School le College hai an hung um hun ding hi nghakhla a um a nih. Sawrkar School le College um ta sa hai hi tuta inthawkin State Sawrkarin hung siemtha sienla, Sawrkar School / College le Sawrkar School / College hai inkarah khawm inelna tha lem an nei theina dingin hma hung la ngei sienla nuom a um. Tu hri hin chu Sawrkar School le College hai chu a neizo hlaw lo hai kaina ang deuva ngaina chin a um a, a paw hle. Mi retheihai ta dingin beidawng a um a, thathona le phurna a sukneppha hle a nih.

ULFA (I) cadre pakhat kap hlum

GUWAHATI: Assam-a ni a, ama hi Udalgudi le Darrang districts area-a self-style commander Rajan han joint operation an thawn-aah helpawh lai leh an inkap-tuo a, inkaptona hin ULFA (I) cadre pakhat kap hlum a nih. Kaphluma um ULFA(I) Cadre hai chu Ramesh Bora a ni a, ama hi Udalgudi le Darrang districts area-a self-style commander Rajan han joint operation an thawn-aah helpawh lai leh an inkap-tuo a, inkaptona hin ULFA (I) cadre pakhat kap hlum a nih. Kaphluma um ULFA(I) Cadre hai chu Ramesh Bora

Editorial Board  
Lalmalsawm Sellate: Editor & Publisher  
Roding L. Sellate: Jt. Editor  
Joseph Joute: Freelance  
Lalsansuok Pulamte & Samuel Zothanglien@SZ Zote: Sports  
Lalruotlien Dulien: Computer Assistant  
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

LALPA TA DINGA BUOTSAL

Ruoivel Pangamte  
(7005244412/9862402286)



‘Lalpa Ta Dinga Buotsai’ ti thumal pali remkhawm hi mawi ka ti tawp ngai nawh! Tlangvalte ka ni tan laiin Thuhritlu pakhatin, “Hremhmuna tla ding nau ei nei ei nei tawl a.” a ti ri hi ka hriet a. Ngai rinum ka ti hle. Khawvêla hung piengthla taphawt, ‘hremhmuna tla ding an ni chun, ‘ Nuhmei nei a, nau le te nei khawm chu, ngam a va um awm naw dê..!’ ti chen a mi’n ngaituotir a nih. ‘Hmangainaa sip Lalpa Pathien chun, hremhmuna tla ding ringawtin, rochan a mi pek nuom, ka ring bawk si nawh a..!’

Kum 30 chuong liem tah 1985 kum khan, Mizorama Kohran Nuhmei Pawl pakhatin a’n suo, “Lalpa Tana Buotsaih” ti lekhabu te pakhat hi ka tiem a. Ka lungril a tawk em em a. Lalpa’n ‘rochan’ A mi’n kawltirhai hi, “Lalpa ta di’n ka buotsai ve am aw?” tiin, kei le kei ka’n dawn ta ngat ngat a. Lalpa’n ‘rochan’ a mi’n kawltirhai ênkawtû dinga ka tling zo nawziehai, ka nuhmei khawmin a tlinzo bik nawziehai, ka hmusuok thar uor uor a. Chu chun nasa takin, Pathien kuomah a mi’n tlukluttir hlak a nih.

‘Kan nau’ kan tihai hi, ‘Lalpa tahai’ an nih a. Lalpa’n ‘Rochan’ A mi’n kawltirhai an nih. Lalpa inthawka ‘rochan’ 5 kan dawng hai hin, nuom dan le dit dan hran an nei seng a. Lungril hran an put seng bawk a. Naupang enkawlina hin hlawtling kan inti nawin, kan bei a dawng a, kan mang a ang thei em em hlak. Lalpa mi’n kawltir naupang kan enkawlhai hi, inhmangai tak le inrem takin um hai sien kan nuom hlak a. Inngei diel diela an umkhawm chang hin, inhawi kan tiin, kan hlim em em hlak. An insela an inhal chang ruok hin chu, kan lungril a nain, rinum kan ti em em hlak a nih. “Lalpa, rochan I mi’n kawltirhai hi, kan va enkawl thiem nâw ngei..!” tiin kan beidawng thu, Vâw tieng kan thawn kan thawn hlak.

An hung changkang met met pei a. Mi thaw dân dânin, Naupang Sunday School-ah kan inkaitir ve a. Thiltha lampui an inchuk dawk beisei lei a, Sunday School-a tir hlak kan nih a. Amiruokchu, kan beisei naw ang takin, “Nu, Pa, kan ruolhai mi sawisak an hrât tawl taluo. Sunday School ka kai pei ta nawh..” dâm an mi hung tipêk hlak. Nungchang tha an inchuk dawk beisei a, Naupang Sunday School-a kan tirhai chun, nungchang thalo le umdân thalo tamtak an hung inchuk dawk ta lem hlak a.

Naupang Sunday School Hotu thenkhatin, ziel an hâwp, kuva an fâk, khaini, sada le talab an lo hmuom hlak bawk leh..! A then, Sacrament-a sem lo chi, wine (uoin) rim dâm an lo innam nâwk nghal..! Sûngkuo maichâma thaw lo dinga kan inchuktur hlakhai, an Hotu haiin an thaw an hmu chun, “Pa, ‘a t ha nawh, Pathien Hring betû hu a’n an thaw ngai nawh’ i tihai, kan Hotu haiin an thaw hlak si a..” ti a, an mi hei suosal chang chu, hril ding ka’n vai hlak. Hieng ang thu hi hei hril kek inla hlak chu, “Tûkhawm mi fel famkim ei um bik nawh..” ti a ni nâwk hlak pei si.. Kei, chuong ang thilhai ditnawtû tak khawm chu, buk ka lo tling zo bik bawk si nawh. ‘Buk tling zo lo e’ ti lo chun, chuong ang thilthalo thawtûhai enkawl dinga naupang hei tir chu, ka thâ a fân nâw ngawi ngawi hlak a nih.

Lalpa’n ‘rochan’ A mi’n kawltirhai, Lalpa ta dinga buotsai ka nuomna chun, theitawpin thang a mi’n lâktir hlak a. Ei taksa in hi, Lalpa Thlarau Thienghlim chêngna in a ni lei a, vâwng thienghlim ding ei niezihai, thei ang ang a ni chûktir lai a, kohran thuoitu thenkhat, dumkhû hâwp khu hlut hlut dâm, kuva sê sen dei duoi dâm le, ieng thil thil amanih hmuom a, ieng rim rim amanih innam bet but hlakhai le, Pathien Thienghlim hei biekt tlang chu, naupang chu hrillo, kei takngiel khawm hin, harsa ka ti hlak. Bible-a Pathien thu ka hmu dân leh a’n mil ngai nâw em annawm!

Kohran Dâna nuhmei nei a, ‘thina chau naw chun ieng dang khawma mi the naw nih’ ti a, Pathien hminga thû lo intiem kha ka nih a. Nau enkawl na le inzawm a, nupa kâr a hei buoi phâ chu, nuhmei ka nei ni a, Pathien hming lama thutiem ka neihai kha thaisiet ka nuom hiel hlak. Anachu, Pathien hming lama thu ka lo intiem kha chu a lo tha a nih. Ka thutiem khan a mi lo khuop det em em a. Ni nâw sien chu, mihriem vê el ka ni lein, tû hân chen chen hi kan tung phâk ka ring nawh. Pathienin Ama hming lama thu ka intiemna kha A mi sukhringpêk zing a. Chu chu kan inhumhimna le kan inmatna suknghehtû hrât tak khawm a nih. Nuhmei-pasal la’n

nei dinghai chun, Lalpa Pathien hming lâm ngei a, nuhmei-pasal innei hi, puitlin hrâm hrâm tum ding a nih. Nûlepa remtipuina ngei a, Pathien hming lâm a, nupa dinga kut insui tluk hi a lo um nawh.

Anachu maw..., Pathien Thienghlim hming lâm tlaka ei thienghlim ta si naw chun, Kohran Dâna kut insui hi chu, tumlo ngam ding a nih. Ei suolna chun a mi la hnawphâk tho tho ding a ni sih a..! Mihriem le kohran mipui hlêm thei hlak inla khawm, Iengkim Hretû Lalpa Pathien chu ei hlêm thei chuong awm si nawh a..! Tlâklo chun, tlâklo ngam ding a nih. Kohran Dâna innei naw khawmin, Pathien Dâna innei thei a ni tho si a. Pathien Dàn chu, “Pathienin A zawm ta chu, mihriemin the naw raw seh” ti hi a nih. Kohran Dâna innei tamtak, Pathien dân zâwmlo an um a. A paw hkwap el!

Lalpaa inthawka ‘rochan’ kan dawng, 5 laia 4-hai chu, mi thaw dân zuiin naute an ni laiin, ‘Baptisma’ kan inchangtir a. A naupangtak ruok chu, ama ditthlangna ngeia Baptisma a chang, tha ka hriet lein, nungchaka a ni nungin, ama ditthlangna ngeiin Baptisma a chang a nih. Naupangha’n ‘Baptisma’ an chang ni a, Pathien hming lâm a, Pastor le Kohran mipui hmaa thû ka lo intiemhai kha, ka ti thar hlak. Anachuh, hi khawm hi, a lo tha a nih. Khâ thutiem kha lo nei naw ni lang chu, Lalpaa inthawka ‘rochan’ kan dawng hai enkawl naah, hieng lâwm lâwm hin t hang kan lâk zo ka ring nawh. Ka tlangval lai a, Deuteronomy 6-na ang taka nau le te enkawl dinga thutlûkna ka lo siem dâm kha, a hun laia dingin, invêthlâk ni sien khawm, a lo va hei tha de âw..! Nau le te chung harsatna ka tuok chang khawm a, a mi sukhrattu tak a ni hlak.

Felnawna tam tak, tlinnawna tam tak le hrâtawna tam tak nei ka ni lein, ka nauhai khawmin felnawna le tlinnawna tam tak an nei ve ding a nih ti hi ka chieng em em a. Nau 5 enkawl hi a lo awlsam nâw hle! Ka nuhmei hin a khâtin a enkawl zo naw ding a nih ti ka hrietchieng lein, “Archalin tê a thuoit hlak am a nih?” ti hlak hai sien khawm, archal ka ni nâw bawk a, nau enkawl na kawnga kher hin chu, ka nuhmei hin a mi cho ngam bik ka ring nawh. Hi lei hin nauhai lei beidawngna le mangangna ka tuor hi tamtak a nih. Chuong ang bawk chun, anni zâra hlimna le lâwmna ka dawng khawm hi, a tlâwm bik chuong nawh. Ka nauha’n an mi suklâwm ang bawk hin, an mi sukluhai hlak a. Nauhai chung ka lâwmna le ka beidawngna hi, a ieng hi’m a tamlem ding aw..? ka ti hiel hlak. Nau enkawl naah inhmang nasat leia thaibawi ding ni sien chu, Hmar nauvah, keia nèka thaibawi lem ding hi an um ka ring nâw hiel a nih.

Mi tha famkim ka lo ni bik naw lein, ‘a ieng rawp rawp hi’m a ni lie..?’ ti a, zû le saa inhnal a, inlekphek vêl nuom châng dâm ka nei ve hlak. Anachu, ‘Mi’n a tu áng ang a sik ding a nih..’ ti ka ngaituo hlak lein, chuong ang ka um ding chu, dangin ka um hlak a nih.

Mi thenkhatin, “ ‘Sawrkar sin’ hi, ‘mission sin’ thawin i thaw a..” an mi ti hlak. Kei chun “Ka nuhmei ka nauhai hi, Lalpa ta dinga buotsai ka nuom lein, indiknaw taka nuhmei-nauhai chawm hi ka tum naw a nih” tiin ka dawn hlak. An Zirtirtuha’n ka nauhai tha taka an lo inchuktur ka nuom hlak lein, kei khawmin mi nauhai thatakalo lo inchuktur chu ka thaw ngei ngei dingah ka ngai hlak a. Chun, College-a inhma deu deuva ka fe a, inhnu deu deuva in ka’n lâwi hlak khawm hi, ka taimâk bik lei le ka mi dang nèka ka thât bik lei a ni nawh; UGC Rules-in a mi phût lei a nih, UGC Rules dungzui chun, College-ah, naupanghai rawn thei dingin, dârkâr 8 bêk kan um a ngai a. Class kan nei khawmin kan nei naw khawmin, dârkâr 8 sùng College-ah kan um hrim hrim ding a nih. Ka sin ka dit si chun, nuom vê hle lang khawm, ka ta ding chun, kohran le khawtlâng sina inhmang dân ding hi a um naw hrim hrim a nih.

Ka insung le ka nuhmei ka nauhai hi, Lalpa ta dinga buotsai ka nuom a. Kei khawm Lalpa ta dinga inbuotsai ka nuom bawk.. ‘Lalpa ta dinga buotsai’ ti hin a mi lo hnê em a nih!

May 14, 2017  
Rengkai, CCPur.

SP sawrkarin Rs. 20 crore semna ding program buotsainaah Rs. 15 crore a seng: CAG

LUCKNOW: Uttar Pradesh-a chun Mr Akh-ilesh Yadav inrawinaa Samajwadi Party sawrkar sung khan unemployment allowances Rs.20 crores anghu semsuokna dinga programme (events) buotsainaah Rs. 15 crore zet a seng niin March 31, 2016 General le Social Sector kumtawp chena CAG report chun a hril.

Hieng allowances hai direct in a dawngtu ding hai bank account-ah thun lo nita sien chu hieng hai semna dinga programmes huoihawtnaa sum Rs. 15 crores zet seng um hi hum annawleh seng loa um thei ding a ni thu report chun a hril.

PM May 20 a inthawk rambung 3 sir dingin an zin ding

NEW DELHI: Prime Minister Narendra Modi chu rambung 3- Germany, Spain le Russia ram hai sira ni 5 sung thang dingin May 29, 2017 a inthawk khin an zin suok ding

hai hi inzinding a ni a, Prime Minister hin Russia President Vladimir Putin khawm inhmupui a ta, an ram pahni hai inlaichinna chungthu hril-pui a tih.

Employment News

COMBINED GRADUATE LEVEL EXAMINATION 2017

Staff Selection Commission (SSC) chun August 8-20, 2017 inkar sung khin Ministries/Departments/Organisation hran hran haia thawktu hran hran lakan dingin Cobined Graduate Level Examination, 2016 (Tier-I) huoihawt a tih. Post ruok hai chu a hnuoia hai hi an nih.

- A
1. Assistant Audit Officer (Indian Audit & Accounts Dept. under CAG)
2. Assistant Accounts Officer (Indian Audit &AccountsDepartment under CAG)
B
3. Assistant Section Officer ( Central Secretariat Service)
4. Assistant Section Officer (Intelligence Bureau)
5. Assistant Section Officer (Ministry of Railways)
6. Assistant Section Officer (Ministry of External Affairs)
7. Assistant Section Officer (AFHG)
8. Assistant ( Other Ministries/Depts/Organisations)
9. Assistant ( Other Ministries/Depts/Organisations)
10. Assistant ( Other ministries/depts/orgs)
11. Assistant/Superintendent ( Other ministries/ Depts/ Organisations)
12. Inspector of Income Tax (CBDT)
13. Inspector (Central Excise-CBEC)
14. Inspector (Preventive Officer -CBEC)
15. Inspector (Examiner-CBEC)
16. Assistant Enforcer Officer (Directorate of Enforcement, Dept. of Revenue)
17. Sub-Inspector (Central Bureau of Investigation)
18. Inspector Post (Department of Post)
19. Divisional Accountant (Offices under CAG)
20. Inspector ( Central Bureau of Narcotics)
21. Sub-Inspector (National Investigation Agency-NIA)
C
22. Junior Statistical Officer (M/o Statistics & Prog. Implementation)
D
23. Auditor (Offices under C&A)
24. Auditor (Offices under CGDA)
25. Auditor ( Other Ministry/Departments)
26. Accountant/Jr. Accountant ( Offices under C&A)
27. Accountant/Jr Accountant (other ministry/ Departments)
28. Senior Secretariat Assistant/Upper Division Clerks (Central Govt. Offices/Ministries other than CSCS cadres)
29. Tax Assistant (CBDT)
30. Tax Assistant (CBEC)
31. Sub-Inspector (Central Bureau of Narcotics)

Hieng sin hai lakna dinga inhnikna nei han SSC website: ssc.nic.in ah thu chienglem hriet thei ning a ta, online application chu www.sconline.nic.in fethlengin May 16, 2017 a inthawk June 16, 2017, 5:00PM chenin peklut thei ning a tih. Application hi Online chau pawm ding a nih.

Sawrkar chun gender balance a ngaipawimaw lein nuhmei tamlemin an apply ngei a nuom a nih. Manipur-a dingin Imphal (5501) le Churachandpur (5502) hai khawm Exam Centre-a hmgang ning a tih.

Mizoram hlasakthiem Rosy K. Remsangpui sangpa Lift umna awngah a tla hlum

AIZAWL: Zani hmasa thi. ‘Glory Zothanpuia hi Raahsiveng, MST station MZP Hqrts Lunglei huoi-hawtnaa Edu. Fest hman-gnaa thang dinga fe a ni a, Zunin zawna Lift umna chu Lift umna awngah a zuk lut huna tla thlaa thi a nih.

Police han APSC answer scripts an mantang

GUWAHATI: Addi-tional Superintendents of Police Surjeet Singh Panesar le Subhasish Baruah hai inrawinaa Dibrugarh Police team chu zani hmasa khan Assam Public Service Commission Office-ah fein sum tam tak pea APSC hnuoia sin hmu nia intum candidates 1,080 zet hai answer scripts hai lain an hrentang. Hieng candidates hai hi APSC 2014 exam—a kum 2015 (Mains) exam a thang hai an ni a, nikum a APSC hnuoia sin laknaah departments tum tum haiah sina lak an nih. Hieng APSC fethlenga sin hmu tam tak chun direct le indirect in APSC members hai kuomah pawisa tam tham tak an pek nia intum a ni a, hi intuma le inzawm hin Assam Civil Service Officials 3 hai chu tulai hnai khan Dibrugarh police han an lo man ta a nih. (AT)

Table with columns: Hours, Studio/CR/P, Programme. Content includes: 4.53pm CR/P Signature, 4.55pm Vande Mataram, Time Reading, Opening Announcement, 5.00pm P Hymns to God, 5.05pm P Local Announcement/Prog. Summary, 5.10pm P Minor Dialect (Zou): Nianglam & party, 5.25pm P Health Hints (Thadou): Home remedies for gastric problem: -by Lalkim, 5.30pm P PAITE Prog. Sig. Tune & Announcement, 6.00pm P HIMAR Prog., sig. Tune & Announcement, 7.00PM P THADOU Prog., sig. Tune & Announcement



LAKTAWI

Delhi Mayor dingin Kamaljeet Sehrawat

NEW DELHI: BJP Councillor Kamaljeet Sehrawat chuzanikhan South Delhi Mayor dinga lungruol taka thlangting ani a, Kailash Sankala chu khangtu um lovin deputy Mayor dinga thlangting a ni bawk.

Sehrawat hi Dwarka-B ward a inthawka thlangting le Sankala hi Punjabi Bagh ward a inthawka thlangting anih. (PTI)

A nuhmei nei hma charin ama le ama an khaihlum

NASHIK: Kum 26-a upa Prashant Namdev Khairmar chu zani hmasa khan a nuhmei nei hma metin ama le ama an khaihlum. Mr Prashant Namdev Khairmar hi Nashik hmuna company pakhata junior engineer sinthaw a ni a, zani hmasa kha a nuhmei nei ding darkar tlawmte chau um taa Pimpalgaon-Wakhari village-a an chengna insunga Ceiling Fan thangsana ama le ama inkhaihlum a nih. (PTI)

Silaia kaphlum pasal pakhath ruong hmu

SRINAGAR: Jammu and Kashmir-a Pulwama district a chun zanikhan pasal pakhath Mohammad Yusuf Lone (45) chu silaia kaphlum saa hmu anih. A taksaa silaimu lutna iemanizat hmu a ni a, Police chun ieng le inzawm that am ti an suizui mek. Preliminary investigation dungzuin Mr Lone hi helpawl overground-a lo thang hlak a ni bakah Security forces hai thu pesawngtua khawm lo thang hlak nia hriet a nih. (PTI)

Naupang thuoih-mangtua intum mi 4 vuokhlum

JAMSHEDPUR: Jharkhand-a Jamshedpur a chun zani hmasa khan naupang thuoihmanga intumna lein mipuiin mi 4 an vuok hlum bakah an chuongna motor an suksiet a, midang pakhath chu dam le himin a tlansuok.

HP-ah simkhawlei an hning

SHIMLA: Himachal Pradesh-a chun zanikhan simkhawlei hrat rak lovin wavihni an hning a, sienkhawm thil suksiet a nei thu hriet a ni nawh. Simkhawlei hung inhnig tanna hi Jammu and Kashmir le inrina Chamba district lai a nih. Simkhawlei inhnig hmasa lem hi zani zingkar 3:34 AM vel kha niin richter scale 2.8 a hrat a ni a, a thawkhina chu zani zingkar 5:32 AM kha niin a hrat dan chu richter scale 4.5 a nih tiin Meteorology office thusuok chun a hril. (IANS)

TMC MP baila suok phal pek

CUTTACK: Rose Valley Group chit fund scam-a inrawlna neia intumna leia man Trinamool Cognress MP Sudip Bandyopadhyay chu zanikhan Orissa High Court chun bail-a suok a remti pek. Mr Bandyopadhyay hin February thla kha a hriselna thantaw lein regular bail a ngen a, sienkhawm Bhubaneswar-a CBI Court le Khurda district session Court han an lo hnawl pek ta a nih. (PTI)

Leilak chimah mi pakhat a thi

PANAJI: Zani hmasa zantieng kha South Goa district-a Curchorem village-ah Leilak chim lein mi pakhatin thina a tuok a, mi 20 hai chu dam le himin vapang an inhlieu-kai. Leilak chim hi Sansvordem le Curchorem village infepawna a nih. Mi 14 sansuoka um hai chu hospital-a admit le enkawl an nih.

Sansuokna sin thawna

Coal scam thua Coal Secretary hlui thiemnaw inchangtir

NEW DELHI: Coal Secretary hlui HC Gupta chu zanikhan Special CBI Judge Bharat Parashar chun thiemnaw an changtir. Ama baka hin coal ministry a Joint Secretary hlui KS Kropcha le Director hlui KC Samaria hai khawm thiemnaw an changtir bawk. A case hi Madhya Pradesh-a KSSPL kuoma

hi zani zan khan khuo an thim ta lein chawlsan ani a, zani zingkar dar 7:30 a inthawk khan sunzawm nawk a nih. Hi leilak dawna vadungah hin Awle an um nia hriat a ni lein divers hai chu fimkhur dinga inhriettir an nih.

Hi leilak hi Portuguese hai um lai daia daw ta a ni a, a that tanaw leia kum 4 lai liemtaa inthawka kha khara lo um ta a nih. (PTI)

indiklo taka Thesgora-B Rudrapuri Coal block pekna case a ni a, hrem an ni dan ding thua thutlukna chu May 22, 2017 hin Court chun puong a thi.

Hi case-a inrawlna neia intum ve chartered accountant Amit Goyal ruok chu court hin thiem an changtir. (PTI)

Justice Karnan in President kuomah representation



President thangpui dinga ngenin representation a pek nia hriat a nih. Amiruokchu, Justice Karnan in representation a pek thu hi an la dawngnaw thu an hril.

Mr Karnan lawyer chun Article 72 of the Constitution hnuoiah representation hi zani hmasa kha e-mail hmanga thawn a ni thu a hril. Article 72 hi President in thiemnaw inchangtir hai a ngaidam theina inziekna article a nih. (PTI)

NEW DELHI: Supreme Court in court inza loa intumna leia thla 6 sung Jall intang dinga Order an suok kum Calcutta High Court Judge CS Karnan chun Supreme Court thurel sut dinga a ngenna le inzawm

BJP workers 25 han Congress an zawm

RAIPUR: Chhattisgarh-a Bijapur district-a chun zanikhan BJP workers 25 han an party suosanin Congress party an zawm.

Chhattisgarh-a hin kum 2003 kha BJP in Assembly election-ah seat 9 le kum 2008 Assembly Election-a kha seat 11 an lak a, kum 2018-a Assembly election nei nawk ding a nih. Kum 2018-a Assembly Election ding le inzawm hin National BJP President Amit Shah in

ni 95 aw ding nationwide tour a nei meka hin June 9, 2017 hin Chhattisgarh-a Baster region a sir dinga ti a nih. Baster region hi Naxalites hai hratna hmun niin Chhattisgarh-a sawrkur siemna dinga ngirhmun pawimaw tak hloutu a ni a, hi lei hin BJP workers 25 han Congress an zawm hi BJP ta ding chun thil lawmum lo tak a nih. Kum 2013 election-a kha Baster region districts 7 haiah seat 4 chau an lak a nih. (PTI)

Jharkhand-a leingawi lakna chun-gthua insukbuoinaah mi 4 an thi

GARWAH/MDEINI-NAGAR: Jharkhand-a Garwah district a chun zanikhan leingawi mahajon le a thawpuihai le mipui kara buoina suok mi 4 in thina an tuok bakah midang 6 in hliemna an tuok.

contractor rawipa pakhath chun Mr Uday Yadav (55) le a naupal pahni Niranjana (35) le Vimlesh (30) hai chu silain a kap a, a hmuna an thil ngah. Hi thil tung le inrawlna hin khawng mipui lungsen chun mi kap hlumtu hi an vuokhlum bakah Pipri Jadpura Balu Ghat hmuna Trucks 15 thangin motor 21 zet an raw niin Police thusuok chun a hril. (PTI)

Japan Emperor Akihito tumhnuoi ta ding

TOKYO: Kum sang hni sanga Japan Emperor (Lal) a tum hnuoina (abdication) hmasatakna dingin, Japan Cabinet chun Zirtawpni kha an Emperor Akihito a tum hnuoi theina dinga phalna Bill chu a lo passed tah. Kum 83-a upa Emperor Akihito-in ni kuma inthawka tumhnuoi a ngenna dungzua hi Bill hi passed a nih.



Emperor Akihito hi a lung atin (heart surgery thawin) a tilmu tuomtu duor cancer treatment thaw a nih a. A kum a tam tah bawk lein lal sin le vantlang sin thaw harsa a ti ta leia tumhnuoi (chawl) rawt a nih a. A pa Emperor Hirohito dam laia Indopui Pahna huna Japan mipui le ramdang mihai an sukhliemna tuom dam nuom a nih a. A bang tah chun, a naupa Crown Prince Naruhito (57)-in a awi a aw ding a nih.

chun, "A Bill hi tha takin a fe luong pei ka beisei" tiin a hril. Emperor a tumhnuoina ding ni tak hi hriat a ni nawa chu Japanese media hai hriat dan chun 2018 ler tieng ring a nih. Chu chu Emperor rorrel kum 30-na char ding a nih.

Bill hi Parliament ah thawn ning a ta, tuta Session fe mek thla thara tawp ding sung ngeia pass hman tum a nih. Chief Cabinet Secretary Yoshihide Suga

EC in EVM, VVPAT thua vawisun demonstration

NEW DELHI: Electronic Voting Machines (EVMs) tawkdanglam thei a nih tia intumna um le inzawmin Election Commission chun vawisun May 20, 2017 hin New Delhi hmuna EVM le VVPATs thua live demonstration buotsai a ti. Hi baka hin Election Commission chun EVM Challenge thua press Conference buotsai bawk a ti.



Electronic Voting Machines hai tawkdanglam thei a nih tia intuma election haiah paper ballot system hmang nawk dinga Opposition parties hai inthawk nawrna le phutna nasa tak um le inzawmin Election Commission chun kar hmasa kha formal takin EVM tawkdanglam thei a ni le ninaw fienna pe dingin open challenge a lo thaw ta bakah hi thua hin all political party meeting khawm a lo huoihawt ta a nih.

sukdanglam thei a ni le ninaw sukchiengna le inentima nei thei an tiin a hriat.

All party meeting huna kha party tamlem chun paper trail support EVMs hmang chu an thlawp a nih. BJP, CPI, CPI (M), AIADMK, DMK, NCP le JD(U) hai chun hmatiengea election nei a haiah VVPATs hmang chu tha tiin an thlawp a, sienkhawm BSP, AAP le Trinamool Congress chun ballot paper system hmang nawk chu tha lem le transparent lemin an ngai a nih. Congress chun, EVMs hmang a ni khawmin level

tinah transparency nei taka hmang tha an ti a nih. Tuta hma met kha AAP MLA pakhath chun Delhi Assembly-ah EVM anga siem khawl hmangan EVM tawkdanglam thei a ni dan live in a lo inentir ta a nih. Hienganga intumna le sawiselna um lei hin Election Commission chun hmatiengea election um ding haiah voters han an vote thlak an dik ngei ti fin iena ding VVPATs hmang wawng ta dingin rawna a siem a, hi thua hin VVPATs indaitawk ding order a ni ta bawk a nih. (AIR/PTI)

Chief Election Commissioner Nasim Zaidi chun, political parties a nuom taphawtin EVM

Punjab Police le BSF han Heroin kg 8 leh pawisa man

GURDASPUR: Punjab-a Gurdaspur district sanga Thakurpur border outpost-ah zanikhan Punjab Police le BSF thangruol han dappui an thawnaah ramrai dai bul lai Heroin

No. 4 fun 8 a infun, kg. 7.830 lai ding zet le India pawisa Rs. 500 (Rs. 100 notes 5) an dappawk. Tukum sanga Punjab hmuna Heroin man chu kg. 84.506 zet a tling tah. (PTI)

Rambung 4 sir dingin Trump an zin



WASHINGTON: President a nia inthawka thla 5 char tuolsung thil buoitaka buoiptua hmangthamna le hmingsietna tamtak a nei hnungin, boruok lum em em, Russia le a ruoka an thangruoina intumna sui meka um tlan suok san nuomum tak laka inthawka boruok dang hipna ding a le foreign policy bawzuina dingin US President Donald Trump chun rambung pali sir dingin Zirtawpni kha Saudi Arabia a vuong lut.

Republican strategist Charlie Black chun, "President foreign an zin hrim hrim chun, abikin Summit lien le pawimaw dam a nih chun, tuolsung thil danghai chun theinghil an hlaw ah hlak a. Trump khawm, thaw hram lein am vangpalin, hi inzinna hin Russia le an thuboui laka inthawkin hun iemani chen chu inthlazalin sukfihlum ngei a ti" tiin a hril.

An zin sung hin khawvela sakhuo lien pathumhai kara inlaichinna siemthat beiseinain hieng sakhuo pathum, Kristien/Roman Catholic, Judaism le Islam hai hmangan thil iemanitak, remna le muongna inlungtir thei dam a beisei a nih. Chhun, hieng sakhuo thila rambung pawimaw bik thuoiuhai hmaisana inbiokpui a nuom bawk a nih.

Saudi Arabia ah hin Muslim (Arab) hai chu an sakhuoanin inremna le muong a zirtir anga khawvela muongna a um theina dinga hma la dingin a ngem tum a nih a. "Inpumkhatna" thupua hmangan a foreign trip hi a tan a nih tiin White House chun a hriat a. A thiltum 3 hai khawm: khawvela US hotu/thuoiu nina suknghet nawk zuol, khawvel thuoiuhai le inlaichinna tha siem le, America ruolthahai le khawvela sakhuo lien tak pathumhai kuomah inremna le muongna, inpumkhatna thubai khekpui ding ti a nih.

President Trump chu kar thar khin Israel lut a ta, chu zovah Belgium le Italy hai sir nawk a ti. Sakhuo hmun khawpui pawimawhai sirna hun remchanga hmangan, Arab, Israel le European thuoiuhai hmaisana inbiokpuiina hun remchanga a zung a nih bawk. Election thutiem anga, Middle East ah inremna le muongna

National Security adviser HR McMaster chun, "President Trump thiltum chu ringna chi tum tum neihai vision thumun neia inpumkhatna um theina ding a nih" tiin a hril. Kha hma meta Muslim hai US an lut ding a khap lei kha Muslim hai theida a kai nasa em em a. Paris Climate Change agreement a sawisela, Climate Change chu "China siemfawm" a ti lei khawm kha European hai hnam a kai bawk a nih. lem a ang ding, hnung la hriat a ti.

FIELNA

Kan naunu Miss Esther Lalhangmawi in May 23, 2017 a Kohran dan thienghlima pasal a nei ding inthlana programme a hnuoia Ni, Hun le hmuna hin nei dingin kan siem a. Kan naunu inthlana programme hi mi hung hmangpui seng dingin sung le kuo, ruoltha, laina le Hmasawna Thar tiemtuahai po po ngaina takin kan hung fiel cheu.

Fielna Card a hrana siem a ninaw lein hi fielna hi fielna card in hmu anga mi lo pawmpek dingin kan hung ngen bawk cheu.

A ni : May 23, 2017  
A hun : 9:00AM sharp  
A hmun : Synod Hall, I.B. Road, Churachandpur, Manipur.  
Inthlana ruoi kil hun: 2:00PM

Fieltuahai:  
1. Dr Robert Zohminglien Hmar (A pa)  
2. Jeffrey Darlienthang Hmar (A papui)

TEACHERS WANTED K.T. HIGHER SECONDARY ENGLISH SCHOOL, KANGPOKPI

Two Teachers are wanted to teach (a) Biology, (b) Physics in High School and Secondary School.

Educational Qualification: B.Sc/ M.Sc. Candidates with computer knowledge is preferable. Willing candidate/candidates may apply to e-mail: kthsskpi@gmail.com or 8132906405 on or before 2nd week of June, 2017. Free Accomodation.

(20,22,24) Sd/- Principal

PIGROW Tablet

VAWK INTHANGNA DAMDAWI

I vawk zawr hun tingna dingin kum khat nek tam ngahk ngai tanaw nih.



A THATNA:  
\* PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.  
\* PIGROW mum hin, i vawk chu i pek tana inthawk chawl der loin an thang tir thei.

A PEK DAN DING:  
\* Vawk pakhatah nikhatah mum 20 (zingtieng mum 10 le zantieng mum 10) pek ding.  
\* Box khat ah mum 600 a um a, chu chu thlakhat sunga a fakzo ding a nih.  
\* Rawt phita pek in fak awlsam an ti lem.

INCHAWK THEINAHAI:  
1. Hmingi 2. L.K. Screen Printing  
Bethel, CCPur Lighthouse Lane, CCPur  
# 8414852391  
3. Pet Care Centre, Tiddim Rd. CCPur.  
Order tam dan dungzuin HOME DELIVERY khawm kan thaw thei.

LAWMTHU HRILNA

Hun iemanichena inthawk ta khaan Pile natna ka nei a. Sawt tak tak inhnawmnaun hun ka hmang a, a chang changin thisen a suok a, ka taw l a hung liemni a hung puom a, ka kawng a hung na a, Gastric a hung um a, ka phing a hung inri rak rak a, ka taksaa a hugn chawin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhun chu ka dam fel tah. Hi lei hin ka lawm hle a, hi chanchinbuo hmang hin ka lawmthu MV Azad Phusam chungka ka hung hriat a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekrwan thei a nih.

Lawmthu hriatu, Sd/-Henry Gangte Veng

Musharraf in Court hmaa inlang a nuom



inrawlna neia intum a nih. Advocate Akhtar Shah chun, a client Musharraf hin video link fethleng ringawta a thiemthu hriat chu an hniknaw niin a hril. Amiruokchu, Court-ah ama taksa ngei an lang ding an chun security khau tawktak a mamaw ding thu hriatin, Musharraf chu danpuoa hnawl helpawl tam takin that dinga hitlist-a an sie anu thi a hril.

AMIRUOKCHU: hi thua Advocate Akhtar Shah rawnta chu federal government chun a hnawl pek a nih. Mr Musharraf hi medical treatment dinga ramdang a suok sawrkarin a phal pek leia Dubai-a fe le tu chena Dubai hmuna la um zing anih. (PTI)

Mr Musharraf hi term 2 zet Pakistan Prime Minister lo nitah Ms Benazir Bhutto kum 2007-a Rawalpindi hmuna bomb hmanga sukhlum a ninaah

Afghanistan-a bomb puokah mi 11 an thi

KABUL: Afghanistan-a Logar province a chun zanikhan molawm-a fe ding hai chuongna motor in lampuia phumruk bomb a chilpuok lein nuhmei le naupang

thangin mi 11 in thina an tuok a, midang 3 in hliemna an tuok niin provincial governor Mohammad Halim Fedayee chun a hril.

Taliban helpawl han Kapi-sa province-a Tagab district hmuna police checkpoint silaiin an kap a, Afghanistan police 5 in thina an tuok bawk. (PTI)



TUOLSUNG/Imphal etc

Pawisa pe lo hai ngaisak an ninaw ding

CCPUR: State sawrkar-in Highway Protection Force lakna dinga Re-cruitent a thara huoihawt a tum dangna ding le VDF personnel han thla 13 hlaw an hmu theina ding le MGEL hnawtna ding le a dang dangna hmalaknaa hmang dinga VDF Personnel hai thla hlaw a inthawk Rs. 500 deduct dinga Executive Committee in thutlukna a lo siem ta anga thla hlaw deduct dinga ti pe lo hai chu harsatna an lo tuok khawmin Churachandpur District VDF Welfare Association (CDVDFWA) in a buoipti naw ding thu Lalting Vaiphei, President, CDVDFWA chun zanikhan reporter hai kuoma a hril. Tuchena hin VDF per-

Dy CIDS (Ops) HQ IDS dingin Air Marshal PN Pradhan- sunzawmna

le North East India le J & K haia ALGs haiah a qualified vawng a nih. Ama hi Qualified Flying Instructor a nih bakah Boeing le AN-32 haiah Pilot Examiner khawm a nih a. Indian Air forces-a Embraer-135, BBJ le C-130 hai laklutna le hman-gna kawngah khawm role pawimawtak lo thaw tah a nih. Sin pawimaw hran hrnhai a lo chel tah bawk a. Chuonghai chu; Air Headquarters ah Asst. Chief of Air Staff (Transport & Helicopters), Asst Chief of Air Staff (Personal Airmen &

Rijju in Confession of a dying mind a tlangzar



NEW DELHI: Manipur, Churachandpur district mi Mr Haulianlal Guite, IAS in a ziek "Confession of a Dying Mind: The Blind Faith of Atheism" ti chu zanikhan Union Minister of State for Home Affairs Kiren Rijju in Civil Services Institute, New Delhi hmuna a tlangzar. A lekhabu hi Philosophical novel niin John Stuart Mill in "On Liberty" ti kum 1858-a a ziek huanga Civil Servant in hienggang Pathien chun-gchanga Philosophical novel ziek hmasa tak nia hrriet a ni bakah India hmarsakbiel mi in hienggang non-fiction lekhabu ziek hmasata nia hrriet a ni bawk. Mr Haulianlal hi Dr Thangchinkhup Guite le Dr Paozachin Guite hai naupa a nia. Lekhathiem thei tak niin kum 23 mi chau a ni in St. Stephen College, Delhi University hnuoia inthawk Philosophy degree zing a ni a. kum 2010-11 kum India rama Competition insang tak UPSC huoihawtna Civil service-ah

Inter-School Subroto Mukherjee Tournery-2017

CCPUR: Directorate of YAS lekha No. 7/129/2011-YAS dated Imphal 16th May, 2017 dungzuiin District Youth Affairs & Sports Officer, CCPur chun June 12-16, 2017 inkar sung khin under 14 & 17 yrs (Boys) le under 17 yrs (Girls) District Level Inter-School Subroto Mukherjee Football Tournery-2017 Kholmun Football ground le District sports complex, Tuihuong haiah a ruolin huoihawt a nih. Hi tournament a thang nuom han May 19, 2017 a inthawk June 5, 2017 inkar sungin DYASO Office, CCPur-ah Eligibility Certificate le Entry forms lak thei le June 5, 2017, 3:00PM chenin peklut thei ning a tih tiin Lunkhosei Haokip, DYASO, CCPur chun inhrietima a siem. Hi tournament ding le inzawmna thi chheng lem DYASO Office-a hin hrriet thei ning a ta, medical age verification June 7&8, 2017 haiah Youth Hostel, CCPur hmuna office hun sungin nei ning a tih.

Indian compound team Archery World Cup final an lut

SHANGHAI: Indian Archery team-a Abhishek Verma, Chinna Raju Sriher le Amanjeet Singh hai chun zanikhan semi-finals-ah USA team Reo Wilde, Steve Anderson le Braden Gellentien hai 232-230 a hnein first Archery World Cup final an lut. Verma le Jyothi Surekha Vennam hai chun mixed pair event-ah bronze medal play-off an lut. Verma le Jyothi hai hin USA inbeipui an tih.

ENGLISH PREMIER LEAGUE: Tottenham chun Champion lai Leicester City an sawp; Harry Kane-in goal 4 tawp a thun



English Premier League champion chieng ta sien khawm a hnuoi tienghai inkhel a la bakasna tawl leiin pahinna Tottenham le nikuma champion Leicester City hai chu Ningani zan khan tuta season-a premier game nuhnung tak dawt an inkhel a. Leicester City khelmuolah Tottenham chun goal 6 tawp an va thun a, muolneitu tiengin goal khat ngawi an lo thun ve. Leicester City hi 11-na an ni mek. Tottenham ta dingin Harry Kane chun goal 4 tawp a thun a; minute 25, 63, 88 le 90 na haiah a thun a nih. Heung-Min Son chun goal hni (36' le 65') a thun bawk. Leicester City ta dinga goal umsun thuntu chu Ben Chilwell a nih. Minute 59 naa a thun a nih. Tottenham hin ball an chang rawn hle a, 63% possession an nei phak a nih. Tuhin table-ah pahinna an ni mek a, inkhel pakhat la umah hrat

Queen Elizabeth-in Garden Tea Party Uop

LONDON: Kum 91 a nih taa chu Britain Queen, Elizabeth II chu a la hrät hle. Kum tina a thaw hlak anga Buckingham Palace Garden Tea Party 2017 chu May 19 kum fiela um tamtakai a la va hmangpui thei a. Zana Dinner fak dinga a favourite hotel The Ivy a fe laiin hun sawttaka inthawka mi tamtak hrriet nuom, a chawi zie hlak, a hand Bag sünga a thun hlak Purse chu chieng taka hmu le hrriet a nih tah. Lalmu chun Gown var thle chi, lal puona siem zakuo-puonbil inkawp chungah puon dum (Shawl) a sila, pheikhawk dum insang a la bun bawk a. Lungmantam vara siem thi a awr a, Launer hand bag dum süngah Purse pakhat a hung keidawk a. Chu chu 2002 kuma thi tah a unauun Princess Margaret le a nauhai Lady Sarah Chatto le David Armstrong Jones, Earl of Snowdon hai thlak (lim) umna Purse a nih. Lalmu hin a unu Princess Margaret hi a ngaina em em a. An pahnia an um chun innui ri hi hrriet ding a tam thei em em hlak. A um ta naw hnungin a nauun Lady Sarah leh an in pawl nawk a. Sarah chauh hi a nih a nute bufaknaa fe ve thei hlak chu. Lalmu a ruka bu fakä suok a nuom phät chu Craigowen Lodge ah an fe hlak. Sarah leh khawm hin bufaka an suok pha chu an ri a se thei em em a, an him thei em em. An ingaina hle ti an lang thei. Lalmu hin ruol a pawl tak tah chu a Sarah hi a nih tah tiin lal sungkuoa thaw pakhat chun a hril. A u Margaret hai süngkuo hi a ngaina leiin



a lungrila riknahai chu an lang chang a um hlak. Lalmu hi restaurant-a bu a fak nuhnungtak chu March 2016 kha a nih a. A nauhai Princess Anne le Princess Alexandra hai leh an nih. Restaurant bu a fakna hlak umsun a nih bawk. Hi zan khawm hin, sunah mikhuol 2, 200 neka tam a mikhuol zo chauh a nih leiin a säwl hle a. Chef Gary Lee siem ngat modern le classic British dishes a fak. A Menu chu; Shepherd's Pie (£19.50), Bawng thin (calves liver) (£23.50), fish and chips with mushy peas (£19) le Korean vawk thau le nakru (£11) le Kaikuong popcorn (£14.95) hai an nih. Hienglai zing hin Buckingham Palace Garden Tea Party ah, ruo sur hnuoia kum 375 zet lalmu venghimna sin lo thaw tah, Scots Guard, 1st battalion, F Coy han chawimawina le inzana salute an pek a va uop bawk a. "In thil thaw taphawtah, sin chintak khawm a pawimaw vawng a nih. Hieng in inthuomna rawng hai hin kum 375 sunga ringum taka sin in lo thaw tah anga thaw näwk pei dingin sukhar thar pei raw sen cheu" tiin sipai uniform sen le kekawr dum, Savavm vun ane lukhum dum khum sipaihai chu a lo hril hman a nih. Kum 2002-a an lalna Golden Jubilee hmang tah Queen Elizabeth II hi Scot Guards hai Colonel-in-Chief a nih a. Tuta an hak uniform (red tunic) le Lukhum dum thar hai hi a pek an nih. Iraq le Afghanistan war haia khawm Scots Guard hai hin an lo hak tah hlak.

Charlotte Crosby-in Stephan Bear A Fawp




LONDON: Reality TV star le "Geordie Shore" changtu hlu, nunghak vawngai tak a hmelt that lei le a frank leia inlar, Party hrät take! Charlotte Crosby chu Thawleni kum 27 a tling lawmna an nei zo chauh a. A bielpa Stephan Bear (27) in album a present khawm an la thup-sip hmain Ningani zan khan London-a In Style Summer party ah Stephan leh hmu kawp nawk an nih, sa pap papin. Charlotte Crosby chu zakuo le puonbil inkawp chi, eleven day puon anga nal inphan, a eng, malpui chen, kawng lai inkak, a malpui changtieng bul (kap) lai Rose par tattoo inlang thei khawpa inkak insang, underpant hrui inlang vawng, ke po le awmbawr po inlang vawng a hak a. Sa phal saa Party hung an nih bawka, room inthim a hei lut chu "Ka kut a um tawk tawk thei tah nawh" tiin s dit-tak Stephan chu thimtham hnuoia a keia, a biengah a fawp mawl mawl ngahl a. Stephan khawmin lo manin a kei hnaia a hmu ah a fawp ve chawr chawr ngäl a. Chawngkawr chal le pui inchuk na si lova an in chuk chawr chawr an inzel tawm tawp awpa an inzawl ang vawng, ngir pumin thimtham hnuoia an infawp mawl mawla chu camera thlalakna light hai a var tha thei taluoa, thup thei an nawh. Charlotte hi a zakuo a eng ang thovin a sam khawm a eng vawng a, a pheikhawk le banbun le thihai chu silver colour an nih a. Summer thuomhnaw tak tak, thup ding char thup zakuo-puonbil a hak a nih. Stephan khawm T-shirt sen le kekawr dum le mawza bo pheikhawk bunin Summer dress bawk a nih. Ruol dang tamtak an uma chu an hrriet fuk naw a hawi. An pahni chauvin an inhmua char chu an inthe thei tah nawh. Charlotte hi Stephan leh, MTV Show "Just Tattoo Of Us" ti an chang dun a inthawk khan an inzui tan a. February 2017 kum vântläng hrrietin an inpuong a. An ingai tiel tiel, ieng chen am an inzui ding ti ruok chu hunin la hril a tih.

Star War star Felicity Jones Charles leh inhuol




LONDON: Tulaia Star Wars film series a thar tak le inlar em em "Star Wars: Rogue One" a changtu Felicity Jones chu kum hni lai zet an zuipui tah Charles Guard leh an inhuol tah tiin US Weekly chun a zieklang. Kum 33-a upa British actress Jones hi kum 10 vel an zuipui tah lem ker thiemg Ed Fornieles leh 2013 kum an inthe a. Chu china inthawk chun Charles le inzui an nih. Ms Jones hi ni dang chu romantic hlein an hrila chu kum nga vel liemta inthawk khan chun nuhmei-pasal tieng hi a hril tah ngai naw reng reng a. Kum 2013, Ed le an inthe hnung 2014 kum 'ruol' a ngai thu a hril hlak a. 'Hmangaitu' a mamaw niin an hril a. Wawi iemani zat tlangval leh 'dating' a fe hlaka chu hlimna tak tak a hmu naw thu a hril. "Ei dit rak lohah lei ei leng chun hril ding ei hau em em a, inzak inphak khawm dawn lovin ei tawng bawr bawr a. Amiruokchu, ei dit deuh leh ei hei leng suok meu chu hril ding a väng em em. Inzak rüka tak ei neia, thu hril ding le titina ding a väng nuom" tiin a romance hringnun a hril a. "Mi ei dit deuh hai kuoma hril ding ei hrriet ngai thak naw hi jem a san ning a ta?" tiin an dawn hlawl a nih. Tuta an huolpui Charles hi a nei chun, a pasal nei hmasatak ding a nih. Nau la nei lo a nia chu nau neiin a hringnun a sukdanglam dan ding Harper Bazaar leh an in pawl huna

Angelina Jolie, In Thar Rs. 2, 050 Crore Manah Insawn



LOS ANGELES: A naulak Pax le Zahara hai leh bazar an kai ni tak khan, Angelina Jolie chun a in thar in chaw (Mansion), Cecil B DeMille Estate tia Los Angeles-a chu an hrrietlar, acre 2.5 (sangngam hni) zeta lien, tlang-bawkah inchan duoia hlo hring dup le thingbul tam-takin an huol, swimming pool pahni lien deu deu le huon leiin tak umna In mawitaka chun an insawn lut tah. Hi in ropuitak, square foot 7, 500 zet del, teklei in säwng khata bawl hin bedroom paruk le bathroom 10 a nei a. Huon lien deu deu hlona hring dup dup swimming pool hai um vawng, tui inkhaw dawk (fountain) haia cheimawi le inhuol khup, fitness house le pool house hran um vawng hi aman chu Rs. 2, 050 Crore vel (\$5 million) sak a nih a. Angelina Jolie chun aman bituk tling naw deuin an chawk tah a nih. Hi in hi director Los Feliz in 1913 kuma a bawl a nih a. A thi hma po 1959 chen khan a hlao a. Chu hnungah Decil B. DeMille in a hung hlao a, chu hmung chu a hung put tah pei a nih. Los Angeles khawpui lai lung, tlangbaw lai deua um, filma star inlar Casey Affleck, Natalie Portman, Lauren Graham, Will.I.A.M le David Fincher hai le in tuolbawm a nih. Compound chau ni lovin a insung reng reng an hawi em em a. Multi-aspect living room tamtak a um a, library room a um bawk a. Bedroom hai khawm terrace nei vawng, scenery nal tak thlr theina vawng an nih. A kailawn (staircase) hai khawm style nal tak tak vawng an nih a. Choka le Dinning room hran lien deuh, farmhouse ang deuva a hrana bawl, nawkawr le suok le mikhuol riekna hai a hrana vawng um dup a nih. Bazaar an kai ni tak hin truck var lien deu deu pahniin thuomhnaw an thak lut zing a. Brad Pitt le an thuomhnaw ruok chu an ni naw niin mita hmutu han an hril. Brad Pitt le an um kawpna In tak chu a ruok el tah thei. Angelina Jolie le Brad Pitt hi 2004 a inthawk khan an inzui ta a. Kum 12 um kawpin nau tak pathum neiin naulak pathum an nei bawk a. Kum 10 chuong um kawpa nau inphir thanga pathum an nei hnungin 2014 kum an innei a. Kum hni zo September 2016 kum, "zu dawn rawn" le 'inrem theinawna neu neu' leiin in the an rawt tah a nih. An nauhai Maddox (15), Pax (13), Zahara (12), nautak Shiloh (10), nautak bawkin inphir Knox (8) le Vivienne (8) hai chu Angelina-in an rengin a umpui a. Brad Pitt chun a chang chängin a kan hlak. Angelina chun "süngkuo" an la ni zing thu a hril a. "Pa thatak" a ni thu a hril bawk a. Inmakna tak tak chu an la nei nawh a, enkawlna chu 'private' a thaw kawp pei dinga intiem an nih. Angelina le Pitt hin New Orleans le France ah Chateau Miraval in ropui an nei a. New Orleans a mi hi October thla kum an zawr a, France-a mi khawm hi zawr an tum ti thu a uma chu an la zawr chie nawh a. Tuta Los Angeles-a mansion ang vel thova man to, \$45 million man vel, 2014 kuma kut an insuina (Inneina) kha a nih.

Bundesliga in nuhmei referee



Ms Bibiana Steinhaus chu Bundesliga nuhmei referee hmasa tak dinga ruot a nih. Steinhaus referee dinga ruot a nina hin nuhmei dang hai khawm referee hung ni dinga phurna nasa tak a pek ngei a beisei thu German Football Association (DFB) chun a hril. Kum 38-a upa Steinhaus hi referee a lak thar 4 hai laia pakhat a nih.

ENGLISH PREMIER LEAGUE TABLE AS ON 19TH MAY 2017

Pos.	Team	PTS	GP	W	D	L	GS	GD
1	Chelsea	90	37	29	3	5	80	48
2	Tottenham	83	37	25	8	4	79	54
3	Man. City	75	37	22	9	6	75	36
4	Liverpool	73	37	21	10	6	75	33
5	Arsenal	72	37	22	6	9	74	31
6	Man.United	66	37	17	15	5	52	23
7	Everton	61	37	17	10	10	61	20
8	Southampton	46	37	12	10	15	41	-6
9	West Brom	45	37	12	9	16	42	-7
10	Bournemouth	45	37	12	9	16	54	-12

Mumbai Indians final an lut



Mumbai: Indian Premier League (IPL) khel mekah zanikhan Mumbai Indian chun Kolkata Night Riders wickets 6 a hnein final an lut. Tuta Pathienni hung tung dinga hin Mumbai Indians le Rising Pune Supergiant chun final inkhel an tih.